



10443

青山集卷第二十九

當塗宋郭祥正功甫著

同里後學朱

鉞西衡校刊

葛鏞以和

七言絕句

別尋真觀

尋真幽徑入深源一宿清虛寄洞天
歸去姑溪度殘日無因重到五峯前

逢東林舊僧

竇陀巖下種松篁舊客欣逢煮水湯
憶着東林携手處青山集卷三九
十年添得兩眉霜

追和杜牧之貴池亭


悠悠江水綠於苔楊柳迎風眼半開
行客不如沙上雁每逢春暖即知回

觀德亭畫壁

畫手非工本亦佳四時景物寫天涯
最憐荷折秋容晚雙雁徘徊下軟沙

寄耿天隲二首

海棠妍媚露桃紅高臥遙知錦繡中
欲問何時渡江去看花准擬趁春風



北山曾賞浪山梅
梅藥含冰一半開
國老自亡梅自發
送梅人在亦悲哀

永安再見裴村山人二首

青布爲巾白布裘
逢人不拜肯低柔
一缸濁酒疑春綠
只與雲山相獻酬

未到君家興已闌
浮山十里望青山
梅花正似山陰雪
却懼孤舟夜半還

重題公純池亭

凭欄盡日看山色
欹枕連宵聽水聲
一點紅塵無入處

戴家池館近清明

青口集

卷三九

二

浮山阻雨二首

尋山一日遍浮山
却望江南興欲還
半夜神龍興驟雨
故留閑客伴僧閑

雲顛辭世幾番春
老令霜髯未變塵
重拂舊題悲往事
幻身今幸作閑人

喜雪呈守倅二首

出門騎馬踏黃塵
歸路隨鞭布黑雲
一夜猛風吹大雪
玉華千里壓妖氛

四面嵐光似玉光
滿城和氣賀豐穰
紅爐底事不邀客
回雪落梅空斷腸

贈嘯月崑吳居士

幅巾藜杖容浮山便隱深岩避世喧每見月華何事嘯
此身聊欲伴孤猿

撫鴻亭

誰開崑戶最高峯更作欄干出半空只道冥鴻遠塵世
我今直下看冥鴻

游西巖寺二首

西崖瀑布瀉雲中移得羨廬一半工要看玉潭千丈雪
莫教江月照還空

三人同結靜中緣一到西巖思豁然何必擁爐傾濁酒

青山集

卷二十九

三

且來攀樹聽寒泉

戴約裴材同至

中方寺題壁

西巖曉起過中方欲趁春歸客思忙不似野僧忘歲月
手披黃卷滿頭霜

題潘溫叟家藏戴牛畫卷二首

不辭耕遍主家田日暮歸時欲飽眠渡盡驚波莫回首
後來猶苦牧兒鞭

茫茫陂水暮秋天乍晚耕犁未得眠矯首衝波方盡力
教兒何用更揮鞭

招陳守倪倅小酌

梅花落盡杏花遲
終日廉纖細雨霏
不倒一樽消客恨
可令醒眼送春歸

書無想山先城屋壁二首

東嶺杉松手自栽
已成濃蔭覆泉臺
滿頭白髮行催死
能得生前幾度來

寒食年年一度來
傷心捫涕陟崔嵬
溪雲欲雨還催去
更遶營邱百匝廻

出城

籃輿投曉出重城
桃李無言似有情
淡白輕紅能幾日
可憐吹洗過清明

青山集

卷二十九

四

敦復午節惠酒

雙壺分送赤泥封
辟惡須令氣吐虹
何用江心鑄明鏡
清樽照面似青銅

次韻楊侯見送游五峯

飄然忽作五峯游
三伏誰知冷似秋
爲在深雲更深處
手提白羽看泉流

舟經天門山

輕舟幸借東風便
帆挂危樯掣驚電
萬翠白馬度天門
誰道澄江淨如練

宿蕪湖口

菱荷芬香蓮子熟扁舟夜趁湖陰宿一杯獨酌未成歌
漁人解唱遺鞭曲

秀公見喜飯僧二首

百年光景逐飛螢曾脫塵勞只有僧一飯聊爲清淨樂
福田求報我何能

番觀六入本空覺海迷波理亦同滿鉢香秔聊共飽
此緣不落有爲中

國清院

深深樓殿妙峯攢竹露松風夏亦寒莫道西湖近乾淺

此中曾有老龍蟠

言口集

卷二十九

五

送李伯華

患難相親似子稀倏然分手重傷悲官閑肯憶西湖上
淡月寒梅只自知

送吳山人二首

邂逅相逢瘴海頭白雲黃菊漫遲留他年江浙能尋我
多在蘆花擬釣舟

生死波中止一漚離家夫子已忘憂只思北苑春芽熟
安得騎鯨逐俊游

阮師旦希聖徹垣開軒而東湖仙亭射的諸山
如在掌上予爲之名曰新軒蓋取景物變態新

新無窮之義賦十絕句

羣山高下浸湖潯
暝靄朝霞物物新
驛道更穿東北去
青銅影裏看行人

東湖水似鑑湖明
紅白荷花自在生
只有香風吹客座
更無煩暑到簷楹

軒窓得地向湖開
要客登臨共一盃
白鳥探魚長不去
清風吹水等閑來

一軒正在碧湖傍
蓮子枯時荇菜香
最愛夜深鷗鷺散
釣船明月似瀟湘

湖外青山案几橫
卷簾幽坐少逢迎
一鈎香餌看魚上
青山集

卷二十九

六

萬頃金波待月生

一湖綠水當窻淨
百里青山卷箔開
只恐夕陽催客去
不嫌幽鳥趁人來

一炷沉烟一案書
憐君重葺紫霞居
溪山朝暮能新美
世慮塵緣併掃除

鋤去蒿萊地勢平
開軒蕭洒瞰東城
湖山變盡朝昏景
只欠青猿一兩聲

誰知城郭有山林
選勝營居遣壯心
一片遠煙添暮色
數聲歸鳥變春音

仙庭射的鬪崔嵬
紫翠飄飄落酒盃
更待春陰須一往

要看雷雨過湖來

次韻安止春詞十首

尋春行過古城東
春氣先從海角通
池草怯霜拳嫩綠
山桃迎日展新紅

池塘新水碧泱泱
楊柳牽風綠線長
已信形骸隨野馬
不思功業到巖廊

一聽春聲只自悲
山山相應鷓鴣啼
却尋花鳥看花處
水上紅雲數片低

一杯濁酒覽春光
人世紛紛任短長
細草自勻新葳綠
落梅猶散去年香

青山集

卷二十九

七

雲影暮時鶯語低
花枝架遠集魂迷青樓不遠要佳客
錦纜牽船更向西

草色葱蒼遍塚邱
花枝紅白倚城頭
憑誰喚取王摩詰
畫出傷春一段愁

茸茸綠芷香先吐
點點緋桃萼半敷
却憶江南江水滿
一條晴練接天鋪

數行徙倚迎風柳
幾樹參差照水花
最惜去年梁上燕
曾隨春色到貧家

尚春又送一年來
不道春霜兩鬢催
春淺春深春自老
且將懷抱向春開

花開游女鬪明粧馬上誰憐白首郎社叟從今歌擊壤
詩人不用歎繁霜

又和

閑閑禽語弄輕風決決田流上下通行過小橋穿竹塢
山花時見一枝紅

無數幽花覆水香一條輕素引煙長客情春恨都銷盡
把筆題詩獨遶廊

新鸞求友出林飛穀穀催耕着處啼野渡無人芳草碧
前山欲雨暮雲低

斜日會扶嵐氣暖好風能送鶯聲長倦投芳草人人醉
青山集

卷二十九

八

流出殘花澗澗香

花枝自倚青春笑客恨須憑濁酒迷望斷夕陽無問處
只今應照故園西

春事須臾不可留花枝爭上少年頭欲乘舴艋凌波去
何處佳人似莫愁

花笑鶯啼酒可沽山光水影淡烟敷垂楊欲礙春歸路
更放輕綿匝地鋪

營巢新燕驚垂幙採藥嬌蜂避落花着處風光濃似酒
行人何事苦思家

尋春眷眷惜春回四序相新一氣催桃李無言貪結子

野棠閑淡爲誰開

盈筐鬪草紅裙女
鞦韆袖看毬白面郎
歸去不嫌清夜冷
李花枝上月凝霜

訪隱者

一徑公崖踏蒼壁
半塢寒雲抱泉石
翁酒熟不出門
殘花滿地無行跡

題蘇紫霞選仙集後二首

六博成書意在仙
每要佳客造元天
不由功行渾由彩
一局升沉亦偶然

知君本是紫霞仙
夢入滄江酒船功
行已成真馭遠

青山集

卷二十九

九

却嗟塵世閱遺篇

謝陳昌國惠酒二首

平生愛酒養天真
醉眼聊爲混俗人
玉斗貯來紅浪溢
感君添我海中春

欲瀉瓊漿洗我憂
玉壺分送不知休
醉來一覺還鄉夢
看盡江南二十州

半漳亭

飛簷赤白壓層邱
見盡漳南一半州
倦步且來消午暑
穿雲此去徹鼇頭

城東延福禪院避暑五首

榕陰缺處見西山步遍墻陰落照間誰信使君無一事
只知終日與僧閑

暑雨霏微濕翠嵐共投蕭寺解塵驂黃梁初熟鱗羹美
恰稱稻家七不堪

急手輕調北苑茶未收雲霧乳成花靈襟習習清風起
歸夢遙知不到家

碧玉枝柯柑橘林開花結子未成金何當爛熟經霜露
更約提壺一訪尋

隔澗人家通小橋家家沽酒可相邀深沉榕葉遮煩日

浩蕩風頭駕晚潮

青山集

卷二十九

十

荔枝二首

枝條相軋碧雲濃觀出驪珠落照中未說甘香消酷熱
且看輕手擘輕紅

暑館風沉睡眼醒荔枝新熟暗香生玉纖爲剝紅綃顯
甘露初疑濕水晶

寄資深承事行營二首

縱橫才畧領千兵鵬鸞羣飛戰艦輕海浪掀天須破賊
始知名將是儒生

黃梅欲落雨霏霏想過重岡濕戰衣破賊有期先可喜

裂雲簫鼓待君歸

淨惠寺清軒二首

枯筇壞衲老清時萬事紛紛久不知
隔屋荷香消午暑
紅薇花影在深池

一軒蕭洒靜無塵
萬柄荷花別是春
莫道南州無北客
壁間猶對洛陽人

七夕不飲

明河初月靜娟娟
樓閣簾開鬪管絃
不飲一樽當此夕
我心于巧久無緣

和子中修撰石盆題壁二首

沉沉石室亂雲間
萬壑蒼茫只自閑
暫輟玉堂揮翰手

青山集

卷二十九

十一

一時吟遍謝家山

青山重複路逶迤
雖近州城俗客稀
只有使君頻得句
時時吟袖帶雲歸

和子中忘歸軒

忘歸歸去盡
強名山鳥山花任送迎
未信使君長戀此
馬頭將逐詔書行

和子中修撰石盆轉輪藏

棲涵藏軸一輪中
種種難名寶網叢
莫道石盆無大地
只今成就聖王宮

弔聖俞墳

平生懷抱只君知，想見音容涕泗垂。宅舍已荒兒女散，
孤墳秋草自離離。

寄新軒阮希聖

遙想新軒日日新，清風細細起青蘋。後來詩客誰如我，
定有新交勝故人。

予家小山四首

曉

曉光初透玉玲瓏，迥與真山意思同。蒼翠正含煙霧濕，
一峯先占太陽紅。

雨

青山集

卷二十九

五

林林銀竹注潺湲，迸玉飛花亂壑間。不惜倚欄襟袖濕，
爲君吟出雨中山。

月

小山疑望月，明間天與金銀作。小山願得月輪長，不去

一山光景付吾閑。

雪

皎皎羣峯照畫欄，深深巖竇逼人寒。雷誤疑作窻中更看玲

瓏雪，縱有丹青貌亦難。

西軒默懷敦復二首

小盆小石小芭蕉，水面紋生暑氣消。明眼客來時一睇，

已知吾意在鷓鴣

山下無塵枕簟涼綠池水滿卽瀟湘青蕉況有菖蒲伴
閑淡風標細細香

出城至龍泉院

出城霜霰侵衣冷入寺雲山掠眼明幸有青錢沽白酒
得閑行處卽閑行

院主老僧年八十三齋潔可喜遂贈二韻

八十餘三老阿師雲山深僻少人知不嫌野鶴永爲伴
庭下閑松借一枝

城西阻雨寄純公

青山集

卷三九

三

三春復作歷陽游傾聽高談壯我憂已出重城望實樹
暗天風雨泊孤舟

浚齒臥病少愈言懷

入竹細風連陣暖隔牆幽鳥數聲和病餘斗惜春歸速
枝上殘紅應不多

玉蝶球

玉蝶交加翅羽柔八仙瓊萼並含羞春殘應恨無花採
翠碧枝間戲作球

懷歸

黃鸝出谷鳴聲軟紫燕營巢意思和欲問江南近消息

落花飛絮向人多

睡

牖戶無風天氣陰屏山圍枕鬢雲深秋波不動芙蓉暖
化蝶驚飛君莫尋

笑

檀口微開皓齒香眼波浮動臉生光桃花未落燕脂淺
半颺春風半倚牆

元輿待制以書酒見招

驛騎東行得素書便趨賓榻駕柴車賦詩我未如陶令

凌浩君能似子輿

青山集

卷二十九

十四

爽

一枰相對漫怡神白黑爭先局局新不覺斧柯從此爛
甘心誰是肯輸人

和北山泉老三首

從來心照兩相通信餉瓶盛自在空誰道鍾山遠姑孰
北窻時復挹清風

蓼花紅淡葦條黃故有離人思抑揚手眼不知相拘否

墨華時寄兩三行

已將形影老江南不飲情懷稍自諳安得道人揮玉麈

一宵清語響園庵

和僧說見懷二首

城角蓬芽三畝居空堂唯有一床書感師相遇憐清
若比陶潛尚不如師以陶見此

眉目稜稜有古風却疑曾作釣魚翁一竿明月空拋却
誰道烟波無處窮

訪華陽隱者

小徑斜分石磴通蕭蕭古屋隔杉松主人無事壽幃起
殘雪滿庭春未融

雪次大澗

連山接野冷光鋪望望木州日迢塗不似在家蓬戶開

香山集 卷二十九

十五

囊兒歡笑確紅爐

將至慎邑寄鼎

踏盡瓊瑤百里山欲投城郭暮雲間紅爐速置一壺酒
故歲離家新歲還

峽石道中口占

淮日暉暉浴暖沙小橋斜巷兩三家不知春色來多少
是處墻頭見杏花

通惠寺小柏

周遭松檜漫爲隣翠碧婆娑未出羣但願盤根堅似石
不憂枝幹不凌雲

香社院

重陰消散日車明
社鼓村歌樂太平
行過柘塘蕭寺宿
隔牆猶聽賣花聲

院庭檜樹

花開供蜜葉禁霜
老柏喬松氣亦隆
未遇李聃誰愛惜
柘塘西院碧油幢

三月三日

一盞扶頭又半酣
久無歸夢到江南
桃花欲發杏花謝
細雨斜風三月三

清明風雨懷光

青山集

卷二十九

十六

少年多難復遭憂
自昔王孫_系卷游愁
見清明歸未得

小山風雨想添愁

時光遠借
居吾西園

慎宰練德符招飲僧舍二首

雜花開遍縣城東
不惜提壺細雨中
應是花枝羞老客
故含春恨泣殘紅

一庭寒柏寺荒涼
亦有花枝出短牆
善政得閒能喚客
春風相伴到壺觴

青山集卷第三十

吳立堅礪山

當塗宋郭祥正功甫著

同里後學宋 鉞西衡校刊

葛 鏞以和

古律哀挽

神宗皇帝挽詞二首

物物皆成化熙熙十九春壽觴方奏樂法座忽流塵遺
治前無古稱宗孰有神煙霄岐路別百辟共沾巾

原廟工初畢神游竟不還鼎湖龍馭遠湘岸竹枝斑謚

號尊逾聖義基別有 去詩陵九重春忽暝四海慘

青山集 卷三十

愁顏

王丞相荆公挽詞二首

問世君臣會中天日月圓裕陵龍始蟄鍾阜鶴隨仙畜
德何人紹成書闔國傳回頭盡陳迹麟石臥孤煙

公在神明聚公亡泰華傾文章千古重富貴一毫輕若
聖某非敢猶龍耳強名悲風白門路啼血送銘旌

吳梅直講聖俞

生事念死隔歎如過鳥飛長空不留迹清叫竟何之死

者固已矣生者謾相思昭亭雪塞山相遇忘寒飢解劍

貫濁酒果餽躬自携掃除長少分曠蕩文章期贈蒙以

太白自謂無復疑及將起草茅謹扎還先馳邀我采石
渡爛醉霜蟹肥沉吟望夫曲朗誦天門詩險絕必使和
所魚豈龍追篇篇被許可當友不當師

予嘗以師禮見
聖俞聖俞不

也嘗凌晨掛高帆公行我言歸一別三四秋音問山中稀

去年集選曹僮瘦馬力羸訪公國東門問我來何時青

芻與白飯諸子爭賞持論新復談故謂我今逾音南還

得長篇萬里銜光輝此德未云報計音裂肝脾桓桓萬

不遇終愁羈一官止太學薄命吁可悲所嗟吾道

喪斯文竟何爲譬彼卞子玉棄置汙濁泥鳳來無嘉禾

啄肉紛羣鴟彼蒼厥六子無欺嗚呼如之何酸

青山集 卷三十一

二

嘶復酸嘶

哭夏寺丞公西

鬱愁煙鏡潭墜孤月佳人去不還生別成死別有

才曾未施負寃終莫雪世情多反覆美玉不如鐵無路

攀魂車隔江寄清血

哭子點

五歲養育恩一朝隨埃塵琅琅讀書聲在耳猶如新哽

哽臨絕言喚爺眉屢顰永痛卑栖邑醫脉非良真微疾

遽天殤吾家失麒麟嗚天天莫知拊地地不聞淚送晴

欲枯腸斷鼻愈辛汝臥長夜臺我孤大夢身後嗣復誰

望有車已摧輪佳雛墮危巢異芳零短春黃泉無白日
青塚多愁雲哀絃寫悲歌吊汝冥漠魂

哭宗叔致政大將軍

文鋒困挫離場屋武畧縱橫動冕旒國士傳家雖有子
將軍終老不封侯抱水末路垂三紀埋玉空山第一秋
餘派江東藉雲蔭載瞻遺像涕交流

故臨川太守石公挽詞二首

江頭別悲歡失後期姦言誣直節枉獄累明時白
玉元無玷青天孰可欺有鬼能雪恥泉壤釋餘悲

半道逢豺虎吞聲力

行到狐喪言有諫臣公玉

青山集

卷三十

三

樹埋長夜金魚委斷

陳伯育承事挽詞二首

水爲骨霜潭月作心要賓唯飲酒焚券不論金

二子登第盡召鄉人素負公金者合飲折券二千餘緡

相望縈離恨何嗟得訃音

春回墳草綠誰伴夜臺吟

二子皆攀桂一生唯好吟夜臺如得句泉路孰知音飲
態思頽玉交情失斷金莫芻何以報折盡老夫心

鄉宣德挽詞二首

憶昔姑溪上分携歲月賒清標冰有骨靜德玉無瑕不
波居爲戒傳經大厥家西山問仙籍公合在煙霞

靜樂疇能匹，翛然几杖間。有兒專使節，無念落塵寰。流水歸何處，孤雲去不還。成仙應蛻骨，誰謂掩泉關。

哭漳州蔡溫老秀才

交游氣槩如君少，患難扶持及我多。萬里相思魂往返，一書報死淚滂沱。文場策策終難必，旅館捐軀可奈何。猶得有兒傳素業，幾時歸葬舊山坡。

楊次公侍講挽詞二首

力學窺前古，扶經翊太平。樂成天地格，祧正祖宗明。知命窮猶達，趨元死亦生。世無班馬筆，誰爲勒幽銘。

孤進終難達，文章誤

而講已夢玉樓成遺

青山集

卷三

四

篋書千卷，招魂酒一

月不到夜臺明

楊次思博士挽詞

吞戎虜成書，達帝庭。長江傾學術，短炬速年齡。玉樹埋蒿壤，身臺掩夜扃。功勳何可問，不得上丹青。

亡友留君儀挽詞二首

信報君儀訃，將如吾道何。交游亡玉樹，涕淚瀉金波。三子先凋泯，一身纏病痾。人生誰不死，遺恨獨君多。壯子皆先隕，親喪未啟攢。病成終不愈，魂散若爲安。結義從今泯，遺編忍復看。亭開基石處，雲水想漫漫。

弔故友吳延之屯田

吳老歸泉後人間未有君春深去陽草月亂承江雲孤
嘯猿求侶哀鳴雁失羣姑溪一樽酒遙酌五峰墳

哭亡友李公達

忽得凶音淚不收可憐英氣隕荒幽天垂北斗夜臺靜
虎嘯西風墳樹愁學道未行嘗自信高名雖在復何求
謾携一榼招魂酒獨對修江想獻酬

弔黃塘寺知白上人

黃塘寺昔年知白師悟禪兼悟律能盡亦能詩舊
老春涵暝新墳月掩悲餘生我何有騎馬送衰遲

弔亡友袁世

青山集

五

自掩斯人骨西山秀

午悟壽天理難齊絕

壑沉寒玉空江沒斷霓兒孫今賣宅感舊只酸嘶

三亡詩

榮翁周詢仲謨苦于學腹寔五車書尤明禮樂事畫就百幅

圖獻之神宗朝不報還舊廬白頭著青衫老憤猶欲舒

佐邑曾未赴瞑目忽已殂何子敏中仲文稍家富恬不為利

拘執筆工詞章科第學有餘終遭有司黜才命誠難俱

今聞亦長往令我動悲吁二家各有子素業傳門閭登

科旣同籍奔喪又同途李君洙聖源出世曹軒軒珮瓊珞

計偕冠多士塲屋喧名譽晚乃樂高隱賣藥荒村墟

復愈自信純潔不可汙天胡奪其齡否極泰則無斯人
皆舊游想望空脚踟顧我雖未死日晧霜盈鬢近酒已
先惡趨時迹尤踈飛章乞殘骸輕舟下重湖將投永安
泊訪舊相歡娛那知死生隔三秀同時枯欲爲招魂篇
悲風涕沾濡

擬挽歌五首

百年苦役役一死已休休惟我方自適妻子空悲愁滿
樽莫美酒滿盤薦珍羞我終不可起汝情謾悠悠送我
入蒿里寂寞無春秋

形壞影亦滅有神竟

不中豈知經四時以

六

此爲長年誰人不同

泣朋舊汝勿悲歲月

易經過冥默終相期

生前勢有殊死去分始齊且將耳目靜安用親舊啼鴻
雁任南北日月隨東西陵谷亦已變道化復何爲

于生動以擾既死靜且潛黃土假面曰青草爲鬢髯榮
華春風吹樵悴秋霜露廻嗟在世人不識此理兼
枯骨螻蟻餘空棺蔓草纏欲訢既無路欲窺不見天休
休可奈何達道乃自然

